

狄易達探老友記 與101歲伯伯跳舞

03月10日(四) 14:44



【on.cc東網專訊】歌手狄易達現身出席老友記的跳舞派對發布會，達仔即場與101歲的伯伯一齊跳椅子舞，場面樂也融融，他表示街舞的精神就是活力和活潑，而很多老友記其實比起年青人更有活力：「好多時我哋心態都係覺得老人家唔好搞咁多嘢，怕佢哋整親，但其實佢哋好想出去玩，試一啲新嘅嘢。」他又講到剛教授的椅子舞是他即場自創，因為知道有年紀較大的老人家，都會怕他們學不來，所以動作都較簡單，未來都可能會同自己舞室的年青人創作專為老人家而設的舞蹈。

講到見到有活力的公公婆婆，可會想象自己老了之後？達仔說：「依家開始覺得時間過得好快，想老咗之後依然會去玩，唔知可唔可以長命啲。」他又表示會想像老了之後有一個美滿家庭，又會想老了繼續跳舞：「依家我都跳咗15年舞，原來十年係好短，依家先覺得自己係學咗啲基本嘅嘢，終於去到另一階段，我每年都會去一個地方好似日本依啲學吓跳舞，今年想去南美。」



睇唔出呢位伯伯101歲。



狄易達希望到老可以繼續學跳舞。



呢隻舞係狄易達自創。

相關新聞：